

Juni 13, 2019

www.awemainta.com

www.facebook.com/awemainta

noticia@awemainta.com

583-1400



AWEMainta

15
año

Parlamentario Robert Candelaria (AVP)

Sector di Seguridad ta riba bon caminda!

“Safety and Security Conference 2019” tabata riba nivel hopi halto

<Sigui lesa na pagina 10>



Participacion

Awe lamentablemente nos no por ofrece un corant complete manera tur dia, debi na fayo den nos sistema di internet. Sperando cu pa mañan en adelante tur cos ta regla.

Gerencia AWEMainta

**INVEST
SECURE**

We don't just say it ... We Guarantee it !!!

**ASIS**
INTERNATIONAL
Advancing Security Worldwide®

*Your security protection
partner since 1996*

Tel: 582-7252

Everyone deserves a safe place to work,
live and play.

FATHERS DAY Sale!!! 

Colors and Paints Supplies



50% discount
on all blue dot
items!

June 12, 13, 14
& 15, 2019



 **PPG Paints — Color and
Paints Supplies**

Color and Paints Supplies
L.G. Smith Blvd 124 Bld 2 #2
Tel 280-1020

Rocco Tjon:

Awor e colornan real di CAFT ta sali



“Cu asombro nos a tuma nota di un carta cu CAFT, sr. Gradus, a dirigi na Gobierno di Aruba. Den e carta aki nan ta señala di no lo reuni cu Gobierno fin di luna p’e motibo cu e amienda di Parlamento a cambia e posicion di CAFT fundamental”, asina lider di fraccion di MEP, Rocco Tjon a duna di conoce.

TRABOU DI CAFT

E trabounan cu CAFT mester haci ta brinda conseho pa Aruba por yega na finanza solido. Esaki por wak bek e.o. den e presentacion cu CAFT mes a duna entre otro na Universidad di Aruba. E cambionan haci atraves di e amienda no a cambia nada n’e funcionamiento y of e tareanan di CAFT.

Pa loke ta nos ratingnan internacional, manera CAFT mes a duna di conoce, tin 2 aspecto cu ta hunga un rol importante, cual ta; cu nos ta forma parti di Reino Hulandes (cual nada no a cambia) y Gobierno mester tin e “commitment” pa atende cu e situacion financiero (cual nada no a cambia).

ASPECTO CONSTITUCIONAL

Ta parce cu CAFT tampoco no kier compronde cu na momento cu pais Aruba, den e caso aki Parlamento di Aruba, como pais autonomo aproba un ley nacional, esaki no mester pasa Gobierno di Reino mas.

Es decir e parti aki den nan carta cu nan a dirigi na Gobierno no ta cuadra cu nos constitucion y ta funciona solamente pa crea inquietud inecesario, segun Rocco Tjon.

For di 2018 no tabatin un ley vigente y CAFT tabata duna nan consehonan a base di un protocol cu tabatin aspectonan di maneho stipula. Den esaki nada no a cambia.

A base di e mesun palabracion di maneho nan ta keda conseha. Aworaki nan lo haci’e na Parlamento di Aruba. Pasobra den un estado di derecho (rechtstaat) t’e representantenan di pueblo cu a wordo eligi atraves di eleccion liber mester eherce e tarea di control.

Nos di MEP ta spera cu CAFT lo sa di respeta nos constitucion.

PA CONLCUI

“Nos ta spera cu CAFT asumi su responsabilidad y brinda su consehonan na Gobierno y Parlamento. Como organo independiente ta importante pa nan no wordo influencia dor di Hulanda aworaki.

Si di berdad nan tin interes di pais Aruba na pecho, nan no tin motibo valido pa no duna nan consehonan. Of ta un organo politico CAFT a bira despues cu Gabinete Wever-Croes a asumi responsabilidad?”, Rocco Tjon a conclui.



Ricibi AweMainta tur dia den bo Inbox

Registra awo!
Manda bo e-mail na
noticia@awemainta.com



Den discurso di Minister mr. Andin Bikker na ASIS

Seguridad ta keda prioridad riba tur nivel



DIAMARS a tuma lugar e prome conferencia di ASIS Dutch Caribbean na Renaissance Convention Center riba e tema seguridad.

Minister di Husticia mr. Andin Bikker como Minister di Husticia, Seguridad y Integracion a habri e conferencia den nomber di Gobierno.

Na september 2018 oficialmente a inaugura e Dutch Caribbean Chapter of ASIS na Las Vegas.

Segun Minister Bikker den su discurso el a felicita e comision organizado pa tene e conferencia riba un termino asina cortico.

Minister Bikker a splica cu netamente e temanan di e conferencia ta parti di e maneho di Gabinete Wever Croes y particularmente di su Ministerio.

For di november 2017 cu Minister Bikker a sinta como Minister di Husticia, Seguridad y Integracion el a pone hopi atencion y esfuerso pa hisa e nivel di seguridad y proteccion di no solamente nos habitantenan, pero tambe pa haci estadia di e turistanan cu ta bishita Aruba uno mas placentero cu ta posibel.

Fuera di e retonan pa tene seguridad riba un nivel halto, mester deal tambe cu e situacion politico y crisis social di pais bisiña Venezuela.

Tur esaki ta pone mas presion riba e recursonan pa tene nos pais safe y sigur.

Apesar di e retonan existente, Aruba a sa di haci progreso den mantene un nivel di seguridad halto.

Mas ekipo moderno a wordo adkiri pa departamentonan cu ta mantene orden publico y otro servicionan publico incluyendo e introduccion di helicopter.

Pa proteccion di frontera a adkiri ekiponan adecuado, p'asina por controla frontera continuamente.

E proceso pa tin radar ta den e fase final y dentro di poco Aruba ta spera di tin nan den funcion.

Seguridad y proteccion ta keda un responsabilidad comun di sector publico y priva. Den cuadro di esaki Ministerio di Husticia ta den e proceso pa institui un plataforma di conseho pa combatimento y prevencion di criminalidad den cual lo tin participacion di tanto sector publico como sector priva.

Segun Minister Bikker, nan tarea lo ta pa conseha Gobierno riba asuntonan cu ta regarda combatimento y prevencion di criminalidad. E conferencia aki ta uno cu ta bon bini y aprecia pa tin asina tanto participante cu ta posibel pa delibera riba con pa mantene seguridad, pero tambe un comunidad protegi segun Minister Bikker n'e prome conferencia anual di ASIS Dutch Caribbean.



CELEBRATE
FATHER'S DAY
SUNDAY, JUNE 16TH

22OZ. T-BONE STEAK FEATURE CUT
- PAIRED WITH MACHOMAN MONASTRELL WINE -

6 PM | PRICE \$59* | AT BLT STEAK
RESERVATION +297.527.2399 OR +297.527.2222
*tax and gratuities not included

BLT STEAK

CASA ROJO

PE
Pepia Est n.v.
spirits & wines

Gobernador presente na celebracion Dia di Independencia di Filipina



DIARANZON mainta 12 di juni, Gobernador Alfonso Boekhoudt a asisti na celebracion di Dia di Independencia di Filipina den Wilhelmina Park. Consul General na Den Haag, Lolita Capo y Consul Honorario na Aruba, Ami Henriques-Mendes a ricibi y yama Gobernador bon-bini.

E programa a consisti di entre otro, un ofrenda tradicional di flor y un baile folklórico Filipino.

No tin claridad pa cu futuro di refinaria

Comision ta trahando riba 3 scenario

E ta un proceso cu por tuma hopi tempo

NO tin masha cos di bisa di e refinaria. Hecho ta cu Gobierno ta den deliberacion cu CITGO, asina Prome Minister Evelyn Croes a duna di conoce.

Gobierno a institui un comision cu ta trahando riba 3 scenario. E prome scenario cu nan t'aden awor aki, ta kico lo pasa cu e contrato cu tin.

Con lo por sali for di e contracto, esta por sali afo den un forma amistoso of lo bay bringa otro den Corte pa hopi aña, segun Prome Minister Evelyn Wever Croes.

Ora caba cu e prome scenario lo wak y busca di mira si tin otro operadornan cu si kier sigui cu e refinaria. Si esey no t'e caso, Aruba mester tin e scenario di e.o. un Aruba sin un refinaria y kico tin di ofrece.

Pesey no por bisa mucho cos aworaki, segun Prome Minister Wever-Croes. Asina cu tin novedad, sigur e lo divulga esaki.

CRISIS VENEZUELA

E crisis di Venezuela, no ta di Venezuela so mas. E no ta un crisis di e region so mas tampoco. E ta un crisis mundial. Y mundo tin cu lanta para, mientras cu Aruba ta haciendo su parti.

Evelyn Croes a splica cu e tabata na Hulanda y a reuni cu Tweede Kamer y tambe el a papia cu Prome Minister Mark Rutte y cu Secretario di Estado Raymond Knops riba e tema di Venezuela. Na Hulanda nan no sa kico t'e efecto cu Venezuela tin pa Aruba y internamente ta haci asunto politico cune.

Father's Day

Don't get him another tie

Galaxy A9

Afl. 68*

With a Postpaid U of Afl. 164



lte



Galaxy S10

Afl. 838*

With a Postpaid U of Afl. 164

*Valid with a 2 year renewal Postpaid U plan of 8 GB LTE Data, 3000 min, 1000 SMS from SETAR to SETAR and 200 min international.

SETAR
Creating Connections

Parlamentario Robert Candelaria (AVP)

Sector di Seguridad ta riba bon caminda!

“Safety and Security Conference 2019” tabata riba nivel hopi halto



DIAMARS a tuma lugar e prome Safety and Security Conference 2019 organisa dor di ASIS International Dutch Caribbean den Renaissance Convention Center. A conta cu participacion di varios instancia, compania di seguridad y departamentonan di Gobierno. Cada un ta profesional y experto riba nan mesun area.

E calidad di informacion presenta tabata di nivel hopi halto, caminda cu varios orador internacional a forma parti di e dia aki. Impresionante tabata e panel cu a pone hunto cu preguntanan alcaso y participacion activo di e sala.

Den e panel tabatin e.o. ex Alto Inspector y actual Parlamentario di Partido AVP, Robert Candelaria kende despues di e evento a catalog’e como un exito rotundo.

MESTER BIN CU LEYNAN NOBO

“Contento di mira e sosten den sala riba e idea di bin cu legislacion, regulacion y certificacion riba e aspecto y sector di seguridad” asina Robert Candelaria a duna di conoce. Aruba ta dal bon paso, pa duna e sector di seguridad, e lugar cu e merece.

Pa locual ta legislacion, ta algo cu lo mester atende pronto. A nota e interes cu ASIS a ricibi for di nos isla chikito, cu den comparacion, na momento cu a lanta e chapter na Europa, a haya mas o menos 90 hende.

Pero den e conferencia di diamars, como e prome riba nos isla, a haya 150 hende den apenas 8 luna di existencia!

Parlamentario Robert Candelaria a referi tambe n’e hecho cu ta mira Aruba como un isla bendiciona, caminda cu acontecimentonan mundial no a toca nos porta nunca ainda. Y hustamente esaki ta locual nos no mester warda tampoco pa pasa, tin cu traha cu anticipacion, zorg pa sector manera Polis, Departamento di Inteligencia hunto cu sector Priva/Seguridad traha hunto y intercambia informacion pa preveni cu algo asina por sosode. Esaki t’e fundeshi cu tin cu traha riba dje.

Sigui na pagina 7>



E PERCEPCION TIN CU CAMBIA!

Durante e conferencia aki a pone un panel hunto contes-
tando varios pregunta importante. Por a tuma nota di
presencia di ex Korpschef, actual Hefe di Nationaal Cen-
traalbureau Terrorismebestrijding Veiligheid en Interpol
(NCTVI), mr. Dolfi Richardson, e actual Alto Comisario di
Polis, Andrew Hoo, Hefe di Seguridad Nacional, mr. Yuri
Nicolaas, Parlamentario, ex Alto Inspector di Polis y Hefe
di Seguridad na MetaCorp, Robert Candelaria, Director di
Caribbean Mercantile Bank Aruba, Javier Wolter y tambe
dos orador internacional mas.

Nan a subraya e nivel di experticio cu kier mira den e sec-
tor aki, e percepcion robes cu tin den comunidad ora ta pa-
pia di seguridad, p.e. cu ta pensionadonan of esnan cu no
por haya otro trabou ta trahando den e sector aki, mientras
e sector di seguridad ta hopi mas compleho cu esey.

Actualmente e sector aki ta atrayendo empleadonan bon
educa, bon forma, cu ta trahando den forma profesional,
anticipando y intercambiando informacion pa prevencion
di criminalidad.

E entusiasmo ta halto, calidad presenta tabata na un nivel
hopi halto y sigur e sector aki ta riba un bon caminda!

BO MESTER DI WASTE BUCKET RESIDENCIAL OF COMERCIAL?

YAMA

Mr. Bucket

594-3757

mrbucket@ecotech.aw

20 yrd
Big Bucket

15 yrd
Junior Bucket

10 yrd
Small Bucket

50 Años. Years. Années

PH VIP At Paseo Herencia
582-3693

PBP Palm Beach Plaza Mall
586.0074

caribbeancinemas.com

Caribbean Cinemas Aruba

MORE VARIETY IN PROGRAMMING AND SHOWTIMES NOW WITH 14 SCREENS!

JUNE 13-19

CHRIS HEMSWORTH | TESSA THOMPSON

MIB INTERNATIONAL

WITH SPANISH SUBTITLES

PH	MON-THU 5:45 8:20
	FRI 5:45 8:20 10:55
VIP	SAT 3:10 5:45 8:20 10:55
	SUN 3:10 5:45 8:20
PH	SAT-SUN 1:05

CXC

MON-THU 5:30 8:00
FRI 5:30 8:00 10:30
SAT 3:00 5:30 8:00 10:30
SUN 3:00 5:30 8:00

PBP

MON-THU 4:20 6:50 9:20
FRI 4:20 6:50 9:20 11:50
SAT 1:50 4:20 6:50 9:20 11:50
SUN 1:50 4:20 6:50 9:20

PBP FRI-SAT 10:45

SPANISH

MON-FRI 4:45

SAT-SUN 2:14 | 4:45

TONY JAA | TIGER HU CHEN

TRIPLE THREAT

PBP

MON-THU 5:15 7:25 9:35
FRI 5:15 7:25 9:35 11:45
SAT 3:05 5:15 7:25 9:35 11:45
SUN 3:05 5:15 7:25 9:35

SOPHIE TURNER | JAMES MCAVOY

X-MEN DARK PHOENIX

WITH SPANISH SUBTITLES **PG-13**

PH	MON-FRI 4:15 6:50 9:25
	SAT-SUN 1:40 4:15 6:50 9:25
PBP	MON-THU 5:45 8:20
	FRI 5:45 8:20 10:55
VIP	SAT 3:10 5:45 8:20 10:55
	SUN 3:10 5:45 8:20

PATTON OSWALT | KEVIN HART

PET 2

WITH SPANISH SUBTITLES **PG**

PH	MON-THU 5:25 7:30
	FRI 5:25 7:30 10:25
	SAT 1:15 3:15 5:25 7:30 10:25
	SUN 1:15 3:15 5:25 7:30
PBP	MON-THU 4:40 6:40 8:40
	FRI 4:40 6:40 8:40 10:40
	SAT 2:40 4:40 6:40 8:40 10:40
	SUN 2:40 4:40 6:40 8:40

SPANISH

MON-THU 3:50 5:50 7:50
FRI 3:50 5:50 7:50 10:00
SAT 1:50 3:50 5:50 7:50 10:00
SUN 1:50 3:50 5:50 7:50

KEANU REEVES | HALLE BERRY

CHAPTER JOHN 3 WICK PARABELLUM

WITH SPANISH SUBTITLES **R**

PH	MON-THU 5:35 8:30
	FRI 5:35 8:30 11:00
	SAT 2:40 5:35 8:30 11:00
	SUN 2:40 5:35 8:30

OCTAVIA SPENCER | DIANA SILVERS

MA

WITH SPANISH SUBTITLES **R**

PBP

MON-THU & SUN 7:15 9:35
FRI-SAT 7:15 9:35 11:55

VERA FARMIGA | MILLIE BOBBY BROWN

GODZILLA KING OF THE MONSTERS

WITH SPANISH SUBTITLES **PG-13**

PH MON-SUN 3:40 | 6:25

TARON EGERTON | JAMIE BELL

ROCKETMAN

WITH SPANISH SUBTITLES **R**

PH MON-FRI 9:10


OPENING JUNE 20: TOY STORY 4, ANNA, CHILD'S PLAY

THE MAGIC OF THE MOVIES ON YOUR MOBILE DEVICE

Download on the App Store

GET IT ON Google Play

Genealogia 2018 de Cuba



Ministro encarga cu Salubridad ta anuncia cu entrante **14 juni 2019** durante 14 dia lo tin oportunidad pa un y tur tuma conocimiento na Departamento di Legislacion y Asunto Huridico, **Schotlandstraat 53**, di un peticion cu a ser haci pa obtene un koffiehuis- y un restaurantvergunning A pa e parcela **L.G. Smith Boulevard 9, lokaal 25**. E permisonan aki ta concerni e.o. benta di bebida sterki por detal y cuminda pa wordo consumi den e parcela. Durante dicho periodo aki tur hende por expresa por escrito nan obhecion contra dunamento di e permisonan menciona, dirigi na e Ministro encarga cu Salubridad, via intermediacion di Director di Departamento di Legislacion y Asunto Huridico, Schotlandstraat 53.



ARUBA Beach Club Resort TIMESHARE FOR SALE BY OWNER



**UNIT # 304 – WEEK 32
1 BEDROOM DELUXE SUITE
SLEEPS 5 PEOPLE**

- 2 X QUEEN BEDS
(1 IN BEDROOM & 1 PULLOUT BED IN LIVING ROOM)
- KITCHENETTE
- 3RD FLOOR
(BALCONY VIEW OVERLOOKING THE RESORT)

PRICE: \$5,500

**INTERESTED PLEASE CALL 583-1400
DURING OFFICE HOURS**

DIRECTORA di Biblioteca Nacional Aruba a haya bishita di sr. Urbano Figaroa. Sr. Figaroa a caba su investigacion di genealogia di descendientenan di Christoffel de Cuba for di Alto-Vista, kende a nace ±1760 na Aruba.

Urbano Gregorio Figaroa a nace na Alto Vista na 1943 como yiu homber di Augustinus Figaroa y Rosa Maria de Cuba, nan di dos matrimonio.

Sr. Figaroa tin 76 aña y a titula su investigacion 'Genealogia 2018 de Cuba'. Sr. Figaroa a haya un curiosidad p'e lasonan familiar di Famianan de Cuba di Noord.

Sr. Figaroa a logra bay bek 7 generacion. E investigacion a tuma como 1 aña. Sr. Urbano Figaroa a haci tambe un investigacion riba famianan [Figaroa](#).

E buki cu sr. Urbano Figaroa a entrega na Directora di Biblioteca Nacional Aruba, sra. Astrid Britten, ta pa warda den Coleccion Nacional. Naturalmente publico por consulta esaki y tambe e prome titulo di sr. Urbano Figaroa.

ATA cu reunionnan clave p'e mercado di Norte America

Delineando ahustacionnan pa 2019 y desaroyando plannan pa 2020



E siman cu a pasa a tuma e lugar e Data Summit 2019 p'e continente di Norte America.

Esaki ta un encuentro importante pa Oficina di Turismo Aruba (A.T.A.) ya cu ta analisa e estadisticanan di e mercado turistico di Norte America.

Di e forma aki ta determina ahustacionnan necesario pa loke ta maneho y e manera di haci mercado pa nos isla como destino.

E Data Summit pa cu Norte America ta un evento cu ta tuma lugar un bes pa aña. Di Aruba Tourism Authority, CEO Ronella Tjin Asjoe-Croes, CMO Sanju Luidens-Daryani, Gerente di Strategia, Investigacion y Planificacion Melanie Evans-Kelly y Especialista Investigacion di Dato, Kareline van der Linden, a biaha pa New York p'e acontecimiento aki.

Ademas tabatin participacion di A.T.A. di Norte America, Director Ed Malone, hunto cu e ekipo di A.T.A. Norte America, como tambe tur e agencianan cu ta encarga cu 'advertising, PR' regional p'e continente aki cu ta Ansira, Concept Farm, USIM y Zeno Group.

DATA SUMMIT

Topiconan riba agenda tabata e.o. e resultadonan di aña 2018 cu ta papia di e nivel di satisfaccion di esnan cu ta bishita nos destinacion for di Norte America. E nivel di satisfaccion ta wordo midi a base di un escala di 10 punto, y for di e encuesta por saca afo e satisfaccion general di e biahe pa Aruba, e probabilidad di bolbe bishita y e probabilidad di recomenda Aruba na amigo- y famianan.

Por bisa cu 84% di esnan cu ta bishita ta satisfecho cu nan biahe pa Aruba, 79% di esnan cu ta

bishita sigur lo recomenda Aruba na amigo- y famianan, y 64% di bishitante di Norte America sigur lo bolbe Aruba bek dentro di cinco aña.

Ademas a combersa di 'Millenials' y 'Kico e bishitantenan ta haci durante nan estadia na nos isla'. E mercado Norte America ta trece un porcentaje relativamente grandi di bishitante cu ta wordo categorisa como 'Millenials'.

Tambe a para keto riba e actividadnan cu ta 'score' bon y menos bon bou di esnan cu ta bishita. Durante e reunion a specifica tocante kico t'e tendencia pa loke ta trata e profile di bishitante cu Aruba ta desea ta atrae.

Tambe a repasa extensamente e bishitante afluyente y patronchi di gasto di nos bishitantenan. Por mira con e bishitante cu ta ripiti ta sigui gasta mas na nos isla, y por mira tambe e conexion entre esnan cu entrada anual mas halto y con nan ta gasta mas cu otro.


E strategia di diversificacion den Merca tambe ta sigui muestra adelanto e.o. cu introduccion di buelo di Dallas na december 2018.

Enfoke pa cu 2019 p'e Mercado di Norte America ta pa crece cu 3.9%. Ta bon pa menciona cu pa aña 2018, Norte America a trece un total di 792.904 bishitante pa nos isla, cu ta representa 73.3% di e total di bishitante pa Aruba.

Mike de Meza:

“Minister Presidente Evelyn Wever-Croes bo ta WRONG y STRONG bezig”

Aruba no ta pafo di faha di horcan!!



“Como ex-Ministerio encarga cu Meteo, mi tin cu informa bo lo siguiente: Trabou di un Prome-Ministro ta pa informa bo pueblo corecto. Fuera di esey abo t’e Minister encarga cu Oficina di Calamidad, y ta dirigi reunionan en especial ora un ciclon tropical ta un peligro pa Aruba, pues bo mester sa mihor.

Ta di lamenta cu bo no sa cu Aruba ta n’e parti zuid di e faha di horcan pues no pafor manera bo a mal informa den exterior y despues Telaaruba ta pase tambe na Aruba.

Fuera cu bo ta pone expertonan den exterior kere cu tur hende na Aruba tin e mesun nivel abou di educacion científico manera bo, bo ta haci bo mesun pueblo mas bobo cu bo mal informacionan.

Danki Dios cu awendia, hopi dato ta disponibel pa tur persona educa su mes y asina por cuestiona, ora algo ta zona straño”, Mike de Meza a dirigi su mes na Prome Minister Evelyn Wever-Croes.

“Durante mi periodo como Minister encarga cu Meteo, mi a puntra e director e tempo ey (unico Meteorologo na Aruba) pa confirma cu National Hurricane Center e

ponencia di Hurricane Belt, esaki pasobra hopi informacion confuse tocante faha di horcan tabata bay rond riba internet.

E advies di Hurricane Center tabata mescos cu loke Meteo Aruba y antes Meteo Antias a indica. Pues cu Aruba, Curacao y Bonaire ta na parti zuid di e faha di horcan y no pafo! Pues e teoria nobo cu bo kier impone ta eroneo!”

Adhunto Mike de Meza a pone un imagen di tur depression tropical y tormenta tropical y horcan cu a pasa den becindario di Aruba, pa bo mes por wak. E datos ta obtenible riba <https://coast.noaa.gov/hurricanes/>.

E datonan aki ta indica tur ciclo-tropical cu a pasa dentro di 65 miya nautico di Aruba desde aña 1842. Pues si Aruba lo ta pafo di e faha di horcan, anto lo nos no a wak niun dato pa Aruba.

Masha facil Prome Ministro por a bay wak riba website di Meteo Aruba, y tuma nota cu Meteo Aruba ta indica cu Aruba ta n’e parti zuid di e faha di horcan (<http://www.meteo.aw/climate.php>).

Sigui na pagina 11>

<Continua di pagina 10



Tambe por a haci uso di e website di Meteo Corsou, unda tin un raport extenso cu tambe ta indica cu e islanan ABC ta n'e parti zuid di e faha di horcan y no pafo (http://www.meteo.cw/Data_www/pdf/pub/Hurricanes%20and%20Tropical%20Storms%20DC_2018.pdf).

Mas ainda den e mesun website tin dato climatologico cu ta indica cu cada 25 aña un tormenta tropical fuerte ta pasa dentro di 75 miya nautico di Corsou y cada 46 aña un horcan por pasa dentro di 75 miya nautico di Corsou. Pues claramente e islanan ABC no ta pafor di e faha di horcan Mike de Meza a splica Prome Minister Evelyn Wever Croes.

Awo e pregunta ta cu si pa algo asina simpel, bo a decidi di bai gaña den exterior, Dios lo sa ki mas bo ta gaña o imagina tur dia.

Un conseho dimi, na bo persona cu no tin niun educacion científico, lo ta miho pa bo informa bo mes cor-

ectamente prome bo papia locura/bobedad den exterior y tuma contacto cu bo expertonan na Aruba. Lamentablemente e director di Meteo cu ta un experto meteorologo a wordo poni un banda. Bo colega Ministro Romero a decidi pa pone un persona cu un dienstverleningscontract como hefe interino, pa motibo personal.

Mi a tuma nota tambe cu un proyecto grandi cu fondonan di TPEF pa simulacion di lama a muri un morto forza dor di Minister Romero. E pregunta ta keda e ora cu si esaki ta considera como un acto integro, unda hopi placa di pueblo pa un proyecto pa alerta temprano y científico ta wordo elimina paso e ta un Proyecto di gobierno anterior.

Al final, segun mi miho bo keda Aruba den lugar di bo bai gasta placa di Aruba den exterior y pa bay papia bobedad. O manera nan ta bisa na hulandes, "Schoenmaker blijft bij je leest" bo no ta un experto científico !

Breakfast special pa Dia di Tata na Laguna Restaurant

CU un di e setting mas bunita na Aruba, Laguna Restaurant na Hilton Aruba Caribbean Resort & Casino ta e lugar perfecto pa famianan cu kier celebra Dia di Tata cu un desayuno. Diadomingo awo, dia 16 di juni, bin disfruta di un full American breakfast buffet cu mimosa ilimita pa solamente \$27.50 pa persona, di 7am pa 12:30pm.

Tur esunnan cu bay desayuna na Laguna por disfruta di asiento paden of pafo na aire liber riba nan terasa grandi cu bista riba nan hardin tropical cu tin un laguna cu piscanan Koi hopi bunita.

E buffet tin tur e cumindanan favorito pa desayuno manera fruta fresco, cereal, yoghurt, pan fresco traha, muffins y pastries, pancake y waffle station, platonan cayente, omelette station, pasta station interactivo, y smoothies y juice fresco, biña spumante, mimosa ilimita, koffie y te. Tambe tin un desayuno Europeo disponibel como opcion, como tambe un menu a-la-carte.

Laguna Restaurant ta popular bao e localnan y tambe e turistanan cu ta gusta disfruta di un seleccion amplio di cuminda y servicio agradabel.

Pa mas informacion of pa haci reservacion por yama na 526-6612 of 526-6613.

Si bo ta buscando un desayuno na un bon prijs y den un ambiente exclusivo, Laguna Restaurant na Hilton Aruba Caribbean Resort & Casino ta e lugar perfecto pa malcria papi cu un celebracion inolvidabel pa Dia di Tata cu un all-he-can-eat buffet, mimosa ilimita, biña spumante y entretenimento en bibo.



IBISA, COA Y ARUBA BANK TA CELEBRA OLYMPIC DAY DIA 15 DI JUNI 2019



IBISA, Comite Olimpico Arubano y Aruba Bank ta celebra “Olympic Day 2019” diasabra 15 di juni na Parkeerplaats di Aruba Bank Camacuri.

Riba e dia aki por conta cu participacion muchanan representando nan school den e careda di 1, 2 y 3 kilometer. E reaccion pa e competencia entre nos muchanan den e careda aki, ta sumamente grandi.

IBISA ta haci un apelacion y recordatorio na tur mayor pa e muchanan tey presente pa 6.00 a.m. na Aruba Bank Camacuri pa busca nan Bib number, E careda mes ta start pa 7:00 a.m. E muchanan tin cu acudi na e mesa di registracion riba cual ta indica e categoria den cual e ta bay core.

Prome cu e careda, tur mucha ta ricibi tambe un T-Shirt di ‘Olympic Day’. Lo ta preferi pa e muchanan lo bisto e T-shirt durante e actividad. E area ta solamente pa participante, pa cual ta pidi mayor y docentenan pa ubica nan mes riba e ruta di e careda pa apoya e muchanan.

Debi na e cantidad di 500 participante, e caredanan ta bay tuma lugar den e sistema di ‘heat’ (den grupo), y e miho tempo overall di e prome 3 lugar den cada categoria di edad pa tanto mucha muher como mucha homber ta esnan cu ta wordo premia cu medaya. Tur mayor ta invita pa bin apoya e muchanan den nan competencia.

Despues di 1,2,3K tin mas actividad riba programa manera “Meet the Top Athletes”, demonstracion di diferente deporte y un kids corner, un mainta yen di actividad di awa. Nos kier recorda tur mayor pa bin cu paña extra pa asina e muchanan por disfruta di e waterpark.

IBISA, COA y Aruba Bank ta conta riba un asistencia grandi pa celebra “Olympic Day 2019”.



Piratas ta soda friew pa derota White Joker 8-7

CAMPOENATO HEINEKEN

fast pitch di Aruba Softball Bond dedica na dos baluarte Jacobo Jansen y Gilbert “Nando” Maduro a continua riba veldnan na Pos Chiquito. Den categoria A-Klas Piratas y White Joker a pone un showdown. Piratas a pica ariba den cabes di promer inning cu 5 careda mientras White Joker ta corta ventaha den bom di promer inning cu 2 careda. Piratas ta anota 2 careda mas den cabes di 3 pero White Joker ta rally pa 5 careda den bom di tres inning pa empata e wegá 7-7.



Den cabes di 4 inning Piratas ta anota 1 careda cual porcierto ta bira e careda di victoria. White Joker ta purba pone presion pero no ta logra anota mas careda. Score finalmente 8-7 pa Piratas. Boxscore final Piratas 8 careda, 6 hit, 4 error y ta laga 4 coreador na base. White Joker 7 careda, 7 hit, 3 error y ta laga 6 coreador den circulacion. Piratas ta bati como ekipo di 23-6 pa un averahe di 261 mientras White

Joker ta bay di 23-7 pa un averahe como ekipo di 304. Mihor bateador nan pa Piratas ta Jonathan Barry 3-1 cu un triplete, Leyvis Gonzalez di 2-2 incuyendo un doblete, Pablo Reid y Jossiel Jacobs ambos di 2-1, Ever Vivanco di 3-1. Pa White Joker a destaca na plato den causa perdi Rajiv Cornelio, Mario Kock y Sandrick Wester tur di 2-1, Ludwin Dabian y Rhajin Donata di 3-1. William Bentez kende

ta drenta releva Guileermo Momtiel den di tercer entrada ta lansa 3 inning enfrentando 14 bateador, 24 bola, 38 strike pa un total di 62 lanzamiento permitiendo 1 careda limpi tras di 3 hit regalando 4 base por bola ta seya e victoria riba su number. Henk Arnold kende ta drenta releva Ludwin Dabian ta enfrenta 20 bateador den 5 inning, 17 bola, 49 strike pa un total di 66 pitch ta permiti 3 careda tras di 3 hit y ta bay cas cu e derota riba su number. Weganan ta continua diahuebs na veld di Dragon Hitters unda pa 7:15pm Black Joker vs White Joker y pa 9pm Jay's Tire vs Celebrities. Dragon Hitters cu pastechinan masha masha sabroso. Diabierna na Pos Chiquito 7:15pm Blackhawks vs Black Joker y pa 9pm Royal Power Tat Fat Home Depot vs Spuiters MIPA. Diabierna simultaneamente pa 8pm na Dragon Hitters pa 8pm Piratas lo enfrenta The Prodigies. Pues weganen di campeonato oficial ta den pleno desarrollo.



Jay's Tire ta bounce bek y ta derota Sputers MIPA na un manera fulminante

CAMPEONATO HEINEKEN fast pitch di Aruba Softball Bond dedica na dos baluarte Jacobo Jansen y Gilbert “Nando” Maduro a continua riba veldnan na Pos Chiquito. Den categoria AA e fuerte ekipo di Jay's Tire a bounce bek di un derota y a baha fuerte riba Sputers MIPA. Jay's Tire ta Sali score 8 careda den cabes di promer inning contra e pitcher habridor Edmar Boekhoudt di Sputers kende a ricibi relevo den promer inning pa Gerald Werleman kende tambe tabata tin problema pa paga e candela. Jay's Tire ta amplia cu 7 careda mas den cabes di dos inning y aki tur cos tabata skirbi. Sputers ta purba rally y ta anota 1 careda den bom di 3 y 1 careda den bom di 4 pero ta keda hopi cortico. Boxscore final Jay's Tire 18 careda, 8 hit, 0 error y ta laga 6 coreador na base. Sputers MIPA 2 careda, 4 hit, 3 error y ta laga 6 coreador den circulacion. Mihor bateadornan pa Jay's Tire ta Jayson Orman 3-2 cu 3 careda anota y 2 rbi, Filbert Thiel 1-1 cu 2 rbi, Jeromin Kelly 2-2 cu 3 careda anota y 3 careda impuha, Jerwin Peña 2-1 cu 3 careda anota, Jowald de Cuba 1-1 cu 2 rbi y Sandrick Geerman di 1-1. Pa Sputers a destaca na bate Gerald Werleman di 3-1, Gerald Tromp, Johnrick Flanegin y Bernardo Vos tur di 1-1. Jorge Santana Cortina ta bay 2 inning y 2 tercio enfrentando 15 bateador tirando 27 bola, 36 strike pa un total di 63 lansamento permitiend 2 careda tras di 3 hit propinando 3 ponche regalando 4 base por bola pa pone e victoria riba su number. E hoben Gerald Maduro ta drenta di relevo y ta bay 1 inning y 1 tercio enfrentando 5 bateador, no ta permiti careda y ta regala 1 base por bola poniendo un wega salba riba su number.



Edmar “Echi” Boekhoudt ta resulta pitcher perdedor ricibiendo relevo di Gerald Werleman, Carlos Wester y Alexander van de Berg. Weganan ta continua diahuebs na veld di Dragon Hitters mientras diabierna lo tin wega tanto na Pos Chiquito y Dragon Hitters. Campeonato competitivo di fast pitch ta continua.

Time Out

TRABAO boluntario den cualkier wega grandi incluyendo e weganan Pan Americano. Bunita programa dedica na trabaonan boluntario den Weganan Pan Americano. Nicole Hoevertsz lo elabora.




Fundacion Sea Bunita Sea Bo Mes Fashion Show 2019 un exito complete



FUNDACION Sea Bunita Sea Bo Mes Fashion Show 2019 a resulta di ta un exito completo, diasabra ultimo den un Renaissance Convention Center completamente yen, na unda nos muchanan special a briya hunto cu nan celebridadnan riba escenario.

Tur cos a cuminsa pa banda di 7.15pm na unda nos Prome Minister Evelyn Wever-Croes a habri desfile di e tapijt cora hunto cu su modelo special Johnisha Medina, realizando su soño di wordo acompaña pa nos Prome Minister di Aruba.



Asina tambe tur nos modelonan special a pasa riba tapijt cora desfilando p'e gran show. Un bon show cu un bon programa hinca den otro cu di principio te final a luci fantastico. Mester bisa cu nos mucha, hoben y adultonan special a gosa y briya asina special

riba e escenario. Esaki nos por a tuma nota cu nan expresion di cara y cu un smile asina grandi transmitiendo e alegria cu ta brota di nan curazon.

Palabranan di elogio p'e motornan tras di Fundacion Sea Bunita Sea Bo Mes cu ta sr. Hans y sra. Marienela Geerman kendenan a traha incansablemente pa logra e di 4 año di e sublime show aki. Un pabien n'e mayornan di tur nos dushi mucha y hobennan special cu a yuda y laga nan yiu participa y na un y tur cu di un manera of otro a con-



tribui pa haci e show aki exitoso.

Bunita momento ora cu nos Prome Minister a reconoce Il-aijah Croes, nos Reina di Carnaval Hubenil Aruba 2019 y tambe Shawndre Geerman kende a representa Aruba varios biaha riba tarima internacional como hobennan di Excelencia logrando inclusion den nos comunidad.

Na tur e boutiquenan, Beauty Salonnan. Renaissance Convention Center, Magaly Thijssen. Lorraine Daal, Elite Productions, Team Films, Canal 22 y sr. Edmond Croes, danki pa transmiti esaki Live pa Aruba, Chaz Models and Talent School, Edselyn Figaroa, Eltienne Yarzagaray, Claudius Philips, Jaydiene Croes, Anaïsa Orman, Nestor Mendoza, Jeon Thiel, Zion Yanez y demas celebridadnan, Aida Danies, Eliandra, Eliomar, Paola, Tiby, Chaz crew, n'e MC nan Jean Carlo Espinal, Rachel Hennep y Jarirza Correa, bosonan tur hopi danki di curazon. Sandra Croes danki pa tur ayudo di bo curazon pa cu e fundacion.

Na nos invitadonan special di Curaçao, danki pa forma parti. Y na tur cu a cumpra ticket y a apoya nos mucha y hobennan special den nan lucha pa inclusion un miyon di danki y na sr. Manolo Giel y tur prensa di Aruba cu a yuda nos masha masha danki. Cu Dios bendiciona cada un di boso pa boso gesto di yuda nos muchanan special.

Aruba Bank cu charla pa Grupo Flor di Aloe



ARUBA Bank tabata presente na Centro di Bario Tanki Leendert pa haci un presentacion na Grupo Flor di Aloe 60+. Representantenan di banco a comparti informacion y a ofrece solucion pa necesidadnan di ciudadanonan di edad mas halto

E miembronan a disfruta di e mainta informativo y tabata tin oportunidad pa atende diferente tema importante cu tin di haber cu servicionan bancario y solucionnan inovativo cu Aruba Bank ta ofrece na tur cliente di banco. Entre otro a papia di online banking y 'self service options' y con e grupo por haci miho uzo di esaki na e sucursalnán rond Aruba, cu asistencia special den Digital Lounges di banco.

Awendia ta esencial pa tur cliente, sin importa e edad, di tin acceso na solucion bancario segun nan necesidadnan, unda y na momento cu e cliente ta desea. E sesion informativo aki tabata uno hopi interactivo.

Aruba Bank ta contento di mira mas grupo di 60+ manera Grupo di Flor Aloe activo y satisfecho di ricibi informacion tocante solucionnan inovativo bancario, facil y lihe.

Entrega di 'Recomendacion' di FGCA na Presidente di Parlamento



DIA 4 di juni ultimo a tuma lugar un encuentro entre Presidente di Parlamento, mr. Adi Thijsen, y Presidente Armand Hessels di Fundacion Gobernacion di Calidad Aruba (FGCA).

Esaki a tuma lugar riba iniciativa di Presidente di Parlamento. A discuti e calidad di gobernacion y funcionamiento di Parlamento durante e prome tres decadananan despues di Status Aparta cu pa mayoria parti a laga hopi di desea.

Pesey nan kier trece cambio den esaki. Presidente di Parlamento dor di introducshon di legislacion importante cu ta promove bon gobernacion, manera ley pa destaho, financiamiento di partido politico, Ombudsman, etc. Presidente di FGCA entre otro dor di mihor concientisacion di ciudadano Rubiano tocante nan papel den e 'proceso di mehoracion'.

E dos Presidentenan tabata uni den e pensamento cu por realiza mehoracion di calidad di gobernacion lo mihor den cooperacion entre Gobierno, Parlamento y iniciativa di ciudadano (NGO's).

Armand Hessels a haci uzo di e oportunidad pa ofrece Presidente di Parlamento e 'Recomendacionnan' cu a compila pa gran parti for di e raportnan cu a traha te awor.

El a enfatisa 'Recomendacion 10' cu ta duna algun ehempel limita di e consehonan principal durante e ultimo decadananan y cu a ripiti tur aña atrobe sin cu Gobierno a ehecuta nan. Hopi di e recomendashonnan aki tambe ta aparece den raport di CAft.

Sinembargo, e recomendashonnan di CAft no ta sin compromiso, contrario n'esnan di 'nos propio organismonan'. Esaki ta resulta regularmente den conflicto cu 'mundo politico' na Aruba cu tin e punto di bista cu ta trata aki di un violacion di nos autonomia. Por aprecia tanto e raportnan como e 'Recomendacionnan' pa medio di e link:

<http://deugdelijkbestuuraruba.org/ons-onderzoek/>

Ministerio Publico a substancí e acusacionnan contra di Jamaloodin



WILLEMSTAD - Ministerio Publico den persona di fiscal mr. Ivo Out a declará culpabilidad di George Jamaloodin tanto den e caso Passaat ('inkeerregeling') pa privilegiá ruman Robbie dos Santos cu falsificacion di documento, cu anti-dadamento y ponemento di presion riba experto y profesionalnan encargá cu introduccion di 'inkeerregeling', como Germanium.

Pa loke ta trata Passaat, Robbie dos Santos tabata debidamente informá y envolví den e preparacionnan pa introducí 'inkeerregeling' y tabatin tur e documentonan conserní den su poder.

Ministerio Publico den persona di fiscal mr. Ivo Out a elaborá ampliamente riba culpabilidad di George Jamaloodin den caso Germanium, malversacion di fondonan (450.000 florin) destiná pa cancha di deporte na Steenrijk (Wageningenstraat), el a hinca e fondonan den su propio saco y entregá documentonan falso na SOAB, trèk ciudadanonan inocente bay cuné den su hechonan castigabel. Remarcabel ta e expresion di fiscal Ivo Out cu George Jamaloodin a bira rico riba custia di gobièrno y ainda no tabata basta cu hasta e

mester a cometé tanto fechoria pa saca mas beneficio personal.

Fiscal Gert Rip a presentá un documento consistiendo di 32 página e acusacionnan contra George Jamaloodin y su papel como autor intelectual den e caso Maximus. Finalmente ta concluí den demanda di condena di un castigo di prizon di 30 aña acusá di 3 hecho castigabel, Germanium, Passaat y Maximus.

Ta George Jamaloodin ta esun cu a percura pa mata Helmin Wiels dia 5 di mei di aña 2013.

Ta George Jamaloodin a paga Nini Fonseca, atraves di Elvis Cuwas, alias Mònster na Pir di Mari Pampun pa asesiná Helmin Wiels.

Den bista di Ministerio Publico e investigacion di Maximus no ta cla ainda, pasobra lo sigui haci tur esfuerso pa sa ken mas ta tras tin tur e asesinato di Helmin Wiels.

Tin tur indicacion cu tin mas persona envolví den e likidacion aki

Tercer dia di proceso penal contra George Jamaloodin

WILLEMSTAD - Ayera mainta señora Elisabeth Krielen ta esun promé cu a bini na palabra, kende a argumentá cu a benta òf mescla mensahenan di SMS den otro.

Como tal segun e experto aki no por confia e resultadonan cu tanto Ministerio Publico ta tene tanto na dje pa supstanciá e pruebanan di culpabilidad di e acusado Jamaloodin. Abogado mr. sr. Peppie Sulvaran a bay den pasado pa bisa cu Helmin Wiels y George Jamaloodin a lanta como habitantenan di barío bibá hopi serca di otro y tabata den bon relacion.

Pa ilustrá esaki a mencioná mama di George Jamaloodin como un persona hopi respetá y aprecia dor di Wiels (casi considerá un mama pa Helmin Wiels tambe). Na sierto momento ta parce cu Wiels tabata contra di e investigacionnan, caso “Biento” cu lo tabata andando y cu lo por a stroba George Jamaloodin di bira minister.

Den bista di Helmin Wiels Ministerio Publico lo tabata unfair versus di George Jamaloodin, dor di lag’e bira minister y dje y tòch harma un investigacion cu un enorme embergadura contra dje.

Di eynan e abogado a pasa over pa bisa cu Ivar Asjes, Jaime Cordoba y Elmer “Kadè” Wilsoe djis despues di e asesinato di Helmin Wiels a haci un bishita hopi importante



serca fiscal mayó Heyko de Jong, serca kende e trio a logra haya informacionnan confidencial bay cuné di e defunto, cu nunca no a keda registrá.

Mas despues e abogado a continuá cu critica riba prácticanan di investigacion di Ministerio Publico cu pèrdemento di informacion relevante. Critica di e abogado ta basá riba contactonan telefónico cu Helmin Wiels lo tabatin ratonan promé di su asesinato, pero cu den bista di e abogado no a keda investigá debidamente.

Segun e abogado tin mucho aspecto y detaye importante cu Ministerio Publico deliberadamente a negligia su importancia y òf a pone un banda.

Remarcabel ta e cantidad di declaracionnan cu abogado Sulvaran a cuestioná, bisando cu nan lo no por ta bèrdad. Amplio e abogado tabata riba declaracionnan relacioná cu Elvis Cuwas, alias “Mònster” den su buskeda pa sa ken ta garantisá pago di e suma pa mata Helmin Wiels. Aki e nòmbernan di tanto Luigi Florentina ‘Pretu’. Burney “Nini” Fonseca a bini padilanti, pero combiná cu tur sorto di preposicion.

Na multiple ocasion ayera mainta e abogado a expresá su duda den pretencion y òf declaracionnan haci di e diferente persona interogá. Enfin pa e abogado hopi ta basá riba redashi, mentira cu al final a conducí na puntonan di bista totalmente incorrecto.

Abogado Sulvaran ta insisti

A dañ a nòmber di Jamaloodin cu nunca mas e por drecha

WILLEMSTAD. E ciudadano George Jamaloodin pa loke ta trata caso Maximus tabata condená promé cu el a presentá den sala di corte, a stèmpel e ciudadano aki cu hechonan castigabel, ocasionando un daño inmenso na su nòmber cu nunca mas por drecha pa tur e sospechonan lansá contra dje basá riba rumor y conspiracion y tácticanan robes di parti di Ministerio Publico.

A priva George Jamaloodin di su privasidad, mata su negoshi y kibra su bida familiar.

Loke Ministerio Publico a haci aki na Coursou, trapando derechinan fundamental di un ser humano, di forman asina flagrante, hamas lo por ta e caso na Hulanda, segun abogado Sulvaran.

Abogado mr. Eldon 'Peppie' Sulvaran di forma sistemático a resumí exprecionnan incriminatorio di Ministerio Publico den direccion di su cliente George Jamaloodin.

E condena publico tabata emití via comunicadonan di prensa y tambe haci via publicacionnan riba facebook di Ministerio Publico.

Ampliamente e abogado a critica métodoonan di Ministerio Publico aplica den e investigacionnan, tur esfuerso tabata mas bien no pa haya e bèrdad, sino tabata pa haci tur loke ta posibel pa condená George Jamaloodin.



Remarcabel ta e hecho por ehèmpel cu a haci uzo di ciudadanonan den un situacion vulnerabel pa haci exprecionnan incriminatorio contra George Jamaloodin, a fabrica prueba y acusacionnan incriminatorio. Políticamente mirá bèrdad e relacion entre Helmin Wiels y Jamaloodin no tabata unu asina positivo.

Pero esey segun abogado Sulvaran no a hustifica e sospecho cu ta George Jamaloodin lo a laga asesiná Helmin Wiels.

Ni por haci como si fuera Jamaloodin tabatin un papel primordial den e caso Maximus.

Den documento consistiendo di 46 página abogado a basa su defensa riba dje pa finalmente conclui cu George Jamaloodin merecé di ta liber di tur acusacion pa loke ta trata tanto e caso Passaat como Maximus.



Royal Aurora

Funeral Home & Crematory

Jesus a bisa; "Ami ta e resurekshon i e bida,
esun cu kere den Mi lo biba, maske e muri"
Juan 11:25

Cu inmenso tristeza na nos curason, pero conforme cu
boluntad di Dios, nos ta participa fayecimento di:



Cicilio Kelly

Mihor conocí como Cildo of Papa Kelly
*22-11-1947 - †08-06-2019

Na number di su:
Mama: †Clarita Kelly-Thiel

Tata: †Maximo Kelly

Esposa: Filomena Kelly-Girigori

Yiunan: Esy y Suhail Kelly-Tromp
Fernando y Audra Kelly-Angela
Angelo Kelly

Suegro: †Federico Girigori
Suegra: †Anna Girigori-Rivero

Manera yiu: Bryan Dirks y Jan Lejuez

Nieto(a)nan stima: Sylena Kelly
Ferli Kelly
Suekelly Kelly
Thatziana Kelly

Rumannan: Marcelo Kelly y famia, Maria Krozendijk y
famia, Filomena Koolman y famia, Fabio Kelly y famia,
Maiky Kelly y famia, Crispina Inocencia y famia, Erica
Kelly, †Eusebio Kelly, †Sonia Yarzagaray, Regina Kelly,
David Kelly y famia, Jorge Kelly y famia.

Omo y tantanan, sobrino(a)nan, primo(a)nan, comer y
compeman y bisinanan: Famia Dania, Williams,
excoleganan di Johnson's Enterprizes.

Swa y Cuñanan: Sabina Ras
†Vale Girigori
Adriana Hiermoms,
Nilda Ortiz

Ihanan: Gregory Ras
Fidel Echobardo
Jefferson Echobardo

Con-suegro(a): Filomena y Edwin Tromp

Demas famianan: Kelly, Thiel, Girigori, Rivero, Tromp,
Angela, Gomez, Maduro, Krozendijk, Koolman,
Inocencio, Leon, Hoevertsz, Ras, Hieroms, Ortiz,
Martines, Kock, Dirks, Echobardo, Loopstok.

Acto di entierio lo tuma lugar diahuebs 13 di juni 2019
di 9'or pa 11'or di mainta na misa Inmaculada Concep-
cion na Sta.Cruz después lo Sali pa Santana Central
Sabana Basora.

Royal Aurora

Funeral Home & Crematory

Salmo 57
O Dios, ja mi ta mi mes, mi curazon ta trankil. Mi kier
canta y toca pabo.

A bai drumi dushi den brasa di Senjor, nos mama,
oma, you, ruman y tanta stima:



Marlyn Gregoria Laclé

Mihor conoci como: "Marlyn of Gini"
*24 Januari 1969 – †09 Juni 2019

Na number di su
Yiu: Shannelyn y Guillermo 'Gem'

Nieta y Nietonan: Shane, Guishone y Savannah
Mama y Tata: Rita y Gilberto 'Beto'

Rumannan: Soraida y Servio 'Chebo'
Jacqueline 'Jacky' y Roald

Subrino y Subrinanan: Kervin y Adeline
Whitney
Daniella y Ray-Patrick
Diantha y Anthon

Iha: Deja Jacobs
Daniella Oduber

Sobre Subrino y Subrinanan: Devin Deviné y Juëny

Madrina: Betty Bello
Padrino: Rudolf van der Biezen

Tata di su yiu: Shannon Maduro

Manera suegro: Ismael Maduro
Manera suegra: Daisy Croes

Tur tanta y omonan, prima y primonan, amigo y
amiganan.

Colleganan di Scol Basico Washington.

Mihor amiganan: Zylena ,Zulayma, Zuyen ,Zarina y
Bananageel.com completo.
Jadey Lacle, Omaira Arends

Amiganan di infancia: Famia Boekhoudt

Y demas famia : Laclé, Maduro, de Lisle, Robert,
Koolman, Oduber, Lampe, Croes, van der Biezen.

Ta invita pa asisit na acto di entierio cu lo tuma lugar
diahuebs 13 juni for di 9'or pa 11'or di mainta na Misa
Santa Filomena na Paradera, despues lo sali pa
Santana Pastoor Kranwinkel na Paradera.

Oportunidad pa condolencia lo ta diaranson 12 Juni
2019 for di 7'or pa 9'or di anochi na Aurora Funeral
Home.

Royal Aurora

Funeral Home & Crematory

Jesus a bisa; "Ami ta e resurekshon i e bida, esun cu
kere den Mi lo biba, maske e muri"
Juan 11:25

Cu inmenso tristesa na nos curason, pero conforme cu
boluntad di Dios, nos ta participa fayecimento di:



Violanda Hernández

Mihor conoci como "Viola"
*12-01-1950 - †05-06-2019

Na number di su:
Yiu: Ronny Petronilia y Mirella Wouters
Manera yiu: Nerelin Wever-Tromp y famia

Nieto(a): Arjay Petronilia
Kiarah Petronilia

Manera nieta: Guylaine Geerman
Genesis Parra

Mama di su nieto(a):
Jennifer Pieterz-Bikker , Byron Pieterz

Amiga nan di cas: Julia Maria
Alicia
Cristina

Tur bon bisñanan.

Demas famianan: Hernandez, Petronilia, Wouters,
Bikker, Pieterz, Wever, Tromp, Gomez, Lopez,
Henriquez, Lariz, Croes, Maduro, Dubero, Vrolijk, v/de
Linde, Geerman, Parra, Gonzalez, Bisiñanan, conocir-
nan, ex coleganan di Air Aruba, ex coleganan di Price
Smart

Despedida lo tuma lugar na Aurora Funeral Home
diahuebs 13 di juni 2019 di 7'or pa 9'or di anochi,
cremacion lo tuma lugar después den seno familiar.

Ta desea pa bin bisti cu coloman alegre manera Viola
Semper tabata.

Nos disculpa si den nos momento di dolor nos por a
lubida di menciona algun persona.

Despues di cremashon nos ta lamenta di no por risibi
bishita na cas

Website: www.awemainta.com	<h1>AWE Mainta</h1> <h2>#1 online</h2>
Facebook: www.facebook.com/awemainta	
E-mail: noticia@awemainta.com	
Tel: 583-1400	
Fax: 583-1444	

Girobank a cometé eror garafal

Hues a vlam Girobank den caso civil di beslag

WILLEMSTAD. Un desaroyo curioso caminda gerencia di girobank a cometé fayó garafal den dunamento di credito na un empresario local y caminda den promé instancia nan a gana e caso, den apelacion nan a retirá e caso for di corte.

Ta trata di un caso caminda Girobank a duna un empresario y su compania facilita di credito pa un montante di 350.000 florin pero a lubidá di mustra cu nan a retené e suma caba for di e hipoteca cu nan a duna Curacao Real Estate Development N.V. y e empresario José Ferreyra kende a pone propiedad inmobiliario como garantia pero nunca Girobank a pidi su firma.

Es mas, Girobank no tabatin ningun clase di garantia pero asina mes

e cliente no tabatin ningun clase di mala fe den e caso aki pero ta hues tambe a constata cu nan a tene informacion atras cu a pone abogado dje clientenan riba pia robes.

E caso a haya un buelta final inesperá ora cu abogado di Girobank a suplica hues pa revoca e caso y pone punto final pasobra Girobank a retené e suma caba den pasado y no tin sentido pa sigui bringa e caso. Dado momento corte a duna Girobank rason riba sierto puntonan pero Ferreyra su abogado a pidi pa revisá e veredicto den su totalidad. Hues a constata cu Giro a pone beslag 3 año pasa basá riba un carta di decèmbre 2011.

E firma CRED y Ferreyra a demostrá cu Girobank a tene informa-

cion relevante atras poniendo e abogado di CRED/Ferreyra riba pia robes.

Es más, hues a husga cu loke gerencia di Girobank a haci ta baho y pió ainda ta desmenti totalmente loke tin pará preto riba blanco.

Giro a tene e acuerdonan di credito y 'commitment' atras y cu tabata importante pe caso.

Y ta basá riba punto di salida robes Giro a pone beslag riba e propiedadnan inmobiliario.

Den curso dje dianan binidero NOBO lo bin cu mas detaye caminda hues a raspa Girobank formalmente na nos parecer promé biaha cu nos ta lesa un reclamo severo asina contra un banco.

Pero tampoco e caso a caba aki pasobra pa Ferreyra e caso ta den fase di 'one down, four to go'.



"Dios ta amor... y amor ta Dios,
maske mi no ta na e mundo aki, tur dia lo mi ta banda
di boso Curazon, mi por stens di loke Señor ta hasi"
Salmo 33

Cu dolor na nos curason pero conforme cu boluntad di
Dios, nos kier anuncia fayecimento di nos ser keri:



Emiliana Kock

Mihor conoci como "Mia"
*31-12-1951 - †08-06-2019

Acto di despedida lo tuma lugar na Royal Funeral
Home diabierna 14 di juni 2019 di 2'or pa 4'or di atardi.

Condolencia lo tuma lugar na Royal Funeral Home
diahuebs 13 di juni 2019 di 7'or pa 9'or di anochi.



Bendicion y bondad di Señor ta compaña mi tur dia di
mi bida, lo mi biba den cas di Señor henter mi bida
largo

Cu dolor na nos curason nos kier anuncia
fayecimento di nos ser keri:



Digna Margarita Flanegin

Mihor conoci como "Deka"
*15-05-1953 - †10-06-2019

Acto di entierio lo wordo anuncia despues



The LORD is my shepherd; I shall not want.
He maketh me to lie down in green pastures: he
leadeth me beside the still waters.
He restoreth my soul: he leadeth me in the paths of
righteousness for his name's sake.
Psalm 23

With deepest regret we wish
to inform you the passing of:



Ernesto Rabang

*21-07-1967 - †10-06-2019

Place and time of cremation will be announced later



E unico corant GRATIS



Abona awo

Manda un e-mail na:

Noticia@awemainta.com

y skirbi e palabranan: *"Ami Kier Abona"*

Like nos riba facebook

Keda "up to date" y like nos riba facebook
www.facebook.com/awemainta



Subi riba nos website

www.awemainta.com

AWEMainta completamente

DIGITAL